

摘藻堂四庫全書薈要

史部

欽定四庫全書薈要

史部

十國春秋

目錄
自序
凡例

詳校官員外郎臣楊世綸



欽定四庫全書薈要卷八千五百六十六

史部

十國春秋目錄

卷一

吳一

太祖世家

卷二

吳二

烈祖世家

高祖世家

卷三

吳三

睿帝本紀

卷四

吳四

列傳

太祖太妃史氏

夫人朱氏

太后王氏

睿帝讓皇后王氏

太祖子臨川王濛

新安王浟

德化王澈

高祖子南陽王玠

睿帝子太子璉

江夏王璘

宜春王璆

從子建安王珙

宜陽王瑛

太子妃李氏

睿帝女上饒公主

卷五

吳五

列傳

袁襲

高勗

戴友規

李神福

張訓

陶雅

劉威

臺濛

李遇

李簡

卷六

吳六 列傳

柴再用

秦裴

劉全 子仁規

李友

李厚

劉存 陳知新

呂珂

賈令威

瞿章

賈公鐸

李濤

袁禎

丁袵

周隱

卷七

吳七 列傳

劉信

呂師造

王綰

王茂章

朱志誠

苗璘

周本

李德誠

王安

王輿

卷八

吳八 列傳

馮弘鐸

朱瑾

李承嗣 子禪

彭彥章

李儼

趙匡凝

鍾匡時

雷彥恭

譚全播

卷九

吳九
列傳

王稔

骨言

陳祐

陳紹

方從訓

蔣延徽

王壇

張崇

張宣

崔太初

曹筠

李戴

盧擇

楊迢

徐善

盧蘋

楊彥伯

賈潭

卷十

吳十

列傳

尚公迺

黃訥

嚴可求

駱知祥

陳彥謙

盧樞

王潛

楊廷式

徐融

汪台符

江夢孫

鍾泰章

翟虔

韋建

高審思

李章

王令謀

卷十一

吳十一 列傳

杜荀鶴

殷文圭

楊夔

沈文昌

沈顏

徐延休

游恭

王振

信都鎬

朱潯

周延禧

張翊

汪少微

支戩

奚超

淮南畫工

卷十二

吳十二 列傳

粲潭漁者

張軍師

錢亮

董紹顏

李攻

柳翁

黃冠道人

虔州少年

劉通

申漸高

朱延壽妻王氏

張訓妻某氏

卷十三

吳十三

列傳

田頌安仁義

朱延壽

張顥

徐溫

子知訓知詢知誨知諫

卷十四

吳十四 列傳

僧祖肩

石頭大師

僧令遵

王居巖

吳法通

聶師道

劉得常

陳金

張武

宣州軍士

卷十五

南唐一

烈祖本紀

卷十六

南唐二

元宗本紀

卷十七

南唐三

後主本紀

卷十八

南唐四

列傳

烈祖順妃王氏

元敬皇后宋氏

夫人种氏

元宗光穆皇后鍾氏
吳國太夫人凌氏

後主昭惠國后周氏
繼國后周氏

保儀黃氏
宮人流珠
喬氏 秋水 官娘

卷十九

南唐五 列傳

烈祖子楚定王景遷
晉文成王景遂

齊昭孝王景達
江昭順王景暹 子李

烈祖從子晉陵公景邁
上饒公景遜

桂陽公景邈

平陽公景逸

元宗子文獻太子弘冀

慶王弘茂

南楚國公從善

子仲翔
仲猷

江國公從鎰

鄂國公從謙

子仲偃

邵平郡公從度

文陽郡公從信

後主子清源郡公仲寓

子正
言

岐懷獻王仲宣

後主從子仲遠

仲興

仲偉

仲康

仲
缺

烈祖諸女

元宗女太寧公主

芳儀

卷二十

南唐六

列傳

徐知證

徐知諤

徐遊

宋齊丘

卷二十一

南唐七

列傳

周宗

李建勳

徐玠

馬仁裕

子文義

刁彥能

子衍

游簡言

杜業

孫漢威

張居詠

張延翰

卷二十二

南唐八 列傳

王崇文

王彥儔

何敬洙

柴克宏

邊鎬

王建封

劉崇俊

劉彥貞

朱匡業

卷二十三

南唐九 列傳

嚴續

常夢錫

蔣廷翊

姚景

陳起

賈崇

公乘鎔

王仲連

卷二十四

南唐十 列傳

李金全

盧文進

孟堅

陳誨 子德誠

林仁肇

皇甫暉 子繼勳

李平

朱元

卷二十五

南唐十一 列傳

張易

蕭儼

張義方

江文蔚

李貽業

歐陽廣

喬匡舜

張泌

汪煥

卷二十六

南唐十二
列傳

陳覺

李徵古

魏岑

馮延巳

馮延魯

查文徽

子元方

鍾謨

李德明

卷二十七

南唐十三
列傳

潘佑

廖居素

趙仁澤

段處常

孫晟

劉仁贍

張彥卿

李延鄒

周弘祚

陳喬

鍾禧

高彥

廖澄

張雄

胡則

申屠令堅

劉茂
忠

卷二十八

南唐十四

列傳

韓熙載

徐鉉

徐鉉

高越

兄弟

殷崇義

蒯鼈

郭昭慶

盧郢

章僚

卷二十九

南唐十五

列傳

魯宗範

毛炳

邵拙

黃載

朱存

朱弼

沈彬

史虛白

陳陶

陳貺

鄭元素

廖凝

洪文用

何溥

謝清

李元清

盧琬

許光大

陳褒

顏詡

許規

子述

歐陽柳

鍾離君

吳媛

聶氏

龔氏二女

卷三十

南唐十六

列傳

郭廷謂

朱令贇

陳大雅

盧絳

吳仲舉

陸昭符

潘慎脩

張泌

龔慎儀

周惟簡

張洎

鄭彥華

子文實

劉澄

李德柔

劉承勳

卷三十一

南唐十七

列傳

孫鮐

周彬

胡元龜

伍喬

康仁傑

余瓘

劉洞

夏望
松

舒雅

陳元亮

張惟彬

丘旭

羅頴

吳淑

陳彭年

魏羽

洪慶元

應用

王文
秉

朱澄

高太
冲

陶守丘

顧閔中

梅行思

曹仲元

周文矩

顧德謙

厲昭慶

董源

徐熙

解處中

幹韓

董羽

衛賢

王齊翰蔡潤
竹夢松

卷三十二

南唐十八

列傳

裴長史

徐幼文

占夢僧

吳廷紹

李廷珪

御厨

楊花飛

揚名高

李家明

王感化

李冠

彭利用

卷三十三

南唐十九

列傳

僧休復

僧無殷

僧緣德

木平和尚

僧應之

僧文益

僧深

僧慧朗

僧智明

行因禪師

僧清稟

僧行言

僧智筠

僧文遂

僧匡逸

僧守訥

僧玄寂

小長老

卷三十四

南唐二十列傳

王栖霞

陳允升

史守冲

譚峭

潘宸

陳曙

許堅

聶紹元

耿先生

楊保宗

卷三十五

前蜀一

高祖本紀上

卷三十六

前蜀二

高祖本紀下

卷三十七

前蜀三

後主本紀

卷三十八

前蜀四

列傳

高祖順德皇后周氏

順聖皇太后徐氏

翊聖皇太妃徐氏 貴妃張氏 夫人蕭氏

後主廢后高氏 皇后金氏 元妃韋氏

貴妃錢氏 順妃蘇氏 昭儀李氏 李玉

宮人劉氏

高祖子衛王宗仁 庶人元膺 幽王宗輅

趙王宗紀 韓王宗智 宋王宗澤

魯王宗鼎 信王宗傑 薛王宗平

莒王宗特

高祖從子宗鑑

族子宗壽

宗裕

後主子承祧

承祀

高祖女普慈公主

卷三十九

前蜀五

列傳

王宗佶

王宗侃

子承肇

王宗滌

王宗翰

王宗弼

王宗黯

王宗弁

王宗本

王宗阮

王宗播

王宗儁

王宗謹

王宗綰

王宗儒

王宗浩

王宗朗

王宗渥

王宗範

王宗瑤

王宗訓

王宗勉

王宗鏐

王宗夔

王宗裔

王宗矩

王宗祐

王宗汾

王宗信

王宗賀

王宗紹

王宗宏

王宗鐸

王宗魯

王宗昱

王宗勳

王宗晏

王宗洎

王宗偉

王宗憲

王宗儼

王宗威

王承檢

卷四十

前蜀六

列傳

馮涓

周庠

韋莊

晉暉

李師泰

張造

綦母諫

張虔裕

張琳

張劼

周德權

李簡

山行章

卷四十一

前蜀七

列傳

鄭頊

潘岏

李紘

張格

許寂

王錯

庾傳素

毛文錫

毛文晏

潘炕

潘峭

庾凝績

楊玠

卷四十二

前蜀八

列傳

王萬弘

李彥德

劉知俊

桑弘志

張道古

陳翔

鄧元明

王先成

張扶

李道安

竇雍

劉隱辭

蔣詔恭

李景

劉纂

崔善

仲廷預

李仁表

姜誌

韋巽

劉檀

杜何

溫顛

房諤

費宗陶

王朴

趙雄武

王鄂

劉隱

卷四十三

前蜀九
列傳

張武

王暉

林思謬

蕭懷武

張士喬

段融

蒲禹卿

林罕

劉贊

張雲

李龜禎

周彥章

馬全

卷四十四

前蜀十
列傳

侯翮

王保晦

盧延讓

庾傳昌

楊義方

王仁裕

李珣

尹鶚

張蟪

牛嶠

牛希濟

趙蕤

鄭藝

刁光

滕昌祐

房從真

宋藝

高道興

杜覲龜

卷四十五

前蜀十一
列傳

胡秀林

馬處謙

趙溫珪

何奎

孫雄

趙延乂

馮見鬼

韓伸

石漵

黃崇嘏

李夫人

卷四十六

前蜀十二 列傳

唐道襲

徐瑤

韓昭

潘在迎

徐延瓊

安重霸

嚴遵美

唐文扆

宋光浦

宋光嗣 弟光祿

王承休

卷四十七

前蜀十三

僧智廣

僧貫休

僧子朗

掃地和尚

段義宗

爾朱先生

杜光庭

崔無斲

楊勛

王帽仙

青城道士

卷四十八

後蜀一

高祖本紀

卷四十九

後蜀二

後主本紀

卷五十

後蜀三 列傳

高祖皇后李氏

太后李氏

後主妃張氏

慧妃徐氏

高祖子雅王仁贄

彭王仁裕

嘉王仁操

後主子太子玄喆

褒王玄珏

遂王玄寶

高祖女崇華公主

後主女鳳儀公主

鑾國公主

卷五十一

後蜀四 列傳

趙季良

趙廷隱

李仁罕

張業

李肇

侯弘實

張公鐸

龐福誠

武璋

沙延祚

潘仁嗣

高敬柔

季鎬

李筠

朱偓

袁彥超

卷五十二

後蜀五 列傳

王處回

毋昭裔

李昊

徐光溥

范仁恕

歐陽廻

卷五十三

後蜀六

列傳

歐陽彬

李如實

何瓚

賈鄂

范禹偁

毋守素

劉暉

多岳

劉保乂

李匡遠

韋嘏

王歸

王藻

劉璵

何隨

王賁

卞震

掌聿脩

孫漢韶

張虔釗

何重建

石奉顏

侯益

趙匡贊

卷五十四

後蜀七

列傳

幸寅遜

章九齡

李起

陳及之

田淳

張元

范文通

程崇雅

孫欽

王環

趙崇浦

高彥儔

卷五十五

後蜀八 列傳

趙崇韜

韓保貞

李廷珪

伊審徵

龍景昭

趙玘

高諷

羅濟

孫降衷

李稠

李遵懿

曹光實

全師雄

上官進

卷五十六

後蜀九 列傳

韋穀

歐陽炯

顧夙

令狐嶠

向瓚

向中正

孫逢吉

鹿虔扈

閻選

趙元拱

王中孚

文谷

楊九齡

何光遠

韓保昇

蒲虔軌

張立

黃筌

子居實居粟居實

阮知誨

張玫

蒲師訓

高從遇

姜道隱

李文才

石恪昌

徐德昌

景煥

夏侯延祐

趙忠義

杜敬安

卷五十七

後蜀十列傳

周仲明

胡韞

虞洮

楊千度

梁守珍

安思謙

王昭遠

趙彥韜

僧曉微

僧可朋

僧仁顯

僧曇城

僧曉巒

杜仁傑

楊仙公

黃萬戶

申天師

馮僊

彭曉

丁元和

韋昉

屈突無為

卷五十八

南漢一

烈宗世家

高祖本紀

卷五十九

南漢二

殤帝本紀

中宗本紀

卷六十

南漢三

後主本紀

卷六十一

南漢四 列傳

武皇后韋氏

段氏

高祖皇后馬氏

太妃趙氏

中宗麗姬李氏

李蟾妃

後主貴妃李氏

美人李氏 素馨

波斯女

盧瓊仙

高祖子雍王耀樞

康王龜圖

越王弘昌

齊王弘弼

韶王弘雅

鎮王弘澤

萬王弘操

循王弘杲

恩王弘暉

高王弘邈

同王弘簡

益王弘建

辨王弘濟

貴王弘道

宜王弘照

通王弘政

定王弘益

中宗子桂王璇興

荆王慶興

禎王保興

梅王崇興

後主子守節 守正

克昌國昌

守素

守通

烈宗女增城公主

卷六十二

南漢五

列傳

趙光裔

楊洞潛

李殷衡

倪曙

何澤

劉濬

陳用拙

王定保

周傑

趙損

黃損

卷六十三

南漢六

列傳

蘇章

梁克貞

李守
廩

程寶

孫德威

王宏

梁嵩

王詡

張瀛

何瑱

劉瑋

何詞

李紆

鄭翺

侯融

蕭益

王翺

蕭規

孫惠

滕紹英

萬景忻

卷六十四

南漢七 列傳

陳偓

盧膺

鄧伸

李璵

吳懷恩

吳恂

謝貫

簡文會

鍾允章

劉博古

曾芳

謝傑

卷六十五

南漢八 列傳

暨彥贇

陸光圖

邵廷瑁

潘崇徹

伍彥柔

盧枝

李承渥

郭崇岳

桓廷晚

鍾有章

薛用丕

王珪

黃德昭

蕭淮

卓惟休

周茂元

馮元

李廷珙

周渭

唐承裕

駱崇璨

胡萬頃

林楚材

陳志女

莫銓

譚氏二女

牢氏

卷六十六

南漢九

列傳

林延遇

龔澄樞

許彥真

陳延壽

李托

薛崇譽

余延業

趙純節

張遇賢

陳道庠

廣南僧

僧如敏

僧文偃

僧子祥

黃步松

黃勵

甘佃

莫公

卷六十七

楚一

武穆王世家

卷六十八

楚二

衡陽王世家

文昭王世家

卷六十九

楚三

廢王世家

恭孝王世家

弟希崇

卷七十

楚四 列傳

劉言

王逵

周行逢 子保權

卷七十一

楚五 列傳

武穆王德妃袁氏

夫人陳氏

夫人華氏

衡陽王夫人楊氏

文昭王順賢夫人彭氏

廢王夫人某氏

恭孝王夫人苑氏

武穆王弟實

存

武穆王子希振

子光惠

希旺

希杲

希瞻

希能

希貫

希隱

希璿

希知

希朗

文昭王諸子

廢王諸子

恭孝王子光贊

卷七十二

楚六 列傳

張佶

蔣勛

姚彥章

許德勳

李瓊

秦彥暉

王環

高郁

李唐

楊定真

袁詮

呂師周

苑玫

李鐸

何致雍

黃損

潘起

卷七十三

楚七

列傳

彭玕

唐世旻

劉昌魯

龐巨昭

拓跋恒

徐仲雅

劉勅

張少敵

廖匡圖

弟匡齊

丁思覲

戴偃

何仲舉

劉昭禹

石文德

林崇禧

路洵美

卷七十四

楚八列傳

李弘臯

李弘節

鄧懿文

王贇

孟駢

歐弘練

吳宏楊滌

彭師曷

金
リ
ロ
人
ノ
一
目
録

廖偃

劉彥瑤

許可瓊

卷七十五

楚九
列傳

李令

侯元亮

王全

邵岳

朱葆光

陶英

黃匪躬

孟賓于

翁宏

廖融

王元

伍彬

朱遵度

劉昌嗣

何景山

江澧

鄧洵美

李觀象

曹衍

蕭某
卒長

卷七十六

楚十 列傳

符彥通

何敬真

孫朗

張倣

張文表

僧居遁

僧洪道

報慈長老

僧虛中

至聰禪師

彭幼謙

伊用昌

卷七十七

吳越一

武肅王世家上

卷七十八

吳越二

武肅王世家下

卷七十九

吳越三

文穆王世家

卷八十

吳越四

忠獻王世家

忠遜王世家

卷八十一

吳越五

忠懿王世家上

卷八十二

吳越六

忠懿王世家下

卷八十三

吳越七 列傳

趙國太玄太夫人水丘氏

武肅王莊穆夫人吳氏

昭懿夫人陳氏

文穆王恭穆夫人馬氏

恭懿夫人吳氏

仁惠夫人許氏

忠獻王夫人杜氏

元妃仰氏

忠懿王妃孫氏

附俞氏黃氏

武肅王弟鏢

鐸

楚國公鐸

從弟鎰

鉞

武肅王子寧國公元璣

雲國公傳瑛

金華郡王元懿

廣陵郡王元璠

子文奉
文炳

餘姚侯傳曜

子仁俊

大彭侯傳球

扶南侯元球淮陰侯元珣

新安侯傳璠

雲國公傳璟

吳興侯元琳

寧明王元瓚

元弼

文穆王子孝獻世子弘傳 瓊山侯弘僕

弘儼 吳興郡王弘健 弘億

彭城侯弘儀 弘倜 弘仰

儼

忠獻王子富水侯昱 西平侯郁

忠遜王子昆 易

忠懿王子世子惟濬 彭城郡王惟治

英國公惟演 惟濟

卷八十四

吳越八 列傳

羅隱

顧全武

杜稜

成及

馬綽

阮結

杜建徽

鮑君福

曹圭

屠瓌智

卷八十五

吳越九 列傳

高彥 子渭

朱行先

黃晟

司馬福



孫琰

吳敬忠

滕彥休

吳公約

章魯封

饒景

薛居正

謝鶚

鍾匡範

陳長官

童頽

鍾廷翰

楊巖

許俊

孫陟

聞人凝

張瑗

劉甫

蔣勛

王畊

沈夏

沈行思

卷八十六

吳越十列傳

沈崧

皮光業

曹仲達

林鼎

仰仁詮

陸仁章

章德安

郭師從

唐仁恭

水丘昭券

薛温

卷八十七

吳越十一列傳

元德昭

吳程

裴堅

沈虎子

鮑脩讓

曹杲

沈韜文

陸超

杜叔詹

劉彥琛

俞公帛

盛豫

林克巳 司馬球 孫顯忠 黃彝簡

沈承禮 孫承祐 崔仁冀 余萬頃

江景防 陸崇辰

卷八十八

吳越十二 列傳

吳仁璧 方昊 孫郃 石延翰

宋榮 嚴永 范贊時 毛勝

葉簡 李咸 朱景環 顧規

目醫

喻皓

徐綰

陳詢

陳璋

高澧

胡進思

卷八十九

吳越十三列傳

僧文喜

僧無作

僧昭

僧幼璋

僧自新

僧全付

僧道恂

僧靈照

僧德韶

僧行修

僧義寂

僧延壽

僧贊寧

僧儀晏

僧彌洪

僧清聳

僧契盈

僧道潛

僧希辨

僧志逢

僧願齊

釋岩

僧德倫

僧彙征

錢朗

閻丘方遠

鶴衣道人

韓必

吳崧

張契真

暨齊物

朱霄外

卷九十

閩一

司空世家

太祖世家

卷九十一

閩二

嗣王世家

惠宗本紀

康宗本紀

卷九十二

閩三

景宗本紀

天德帝本紀

卷九十三

閩四 列傳

留從效

陳洪進

子文顯文顓文顓文瑛。陳應功陳齊鵠陳仁璧劉昌言徐熙徐昌嗣附

卷九十四

閩五 列傳

秦國太夫人董氏

太祖后任氏

龍啟太后黃氏

嗣王夫人崔氏

惠宗后劉氏

繼后金氏

后陳氏

康宗元妃李氏

后李氏

景宗后李氏

賢妃尚氏

天德皇后張氏

武肅王審邽

子延彬延美延武
孫繼崇繼勳

太祖從弟彥復

想

太祖子延喜

延武

延望

延宗

子繼業

從子延興

延虹延豐
延休附

族子延嗣

惠宗子繼韜

繼鎔

臨海郡王繼恭

建王繼嚴

從子仁達

景宗子閩王亞澄

從子繼柔

繼隆

天德帝子繼沂

從子繼昌

繼成

太祖女某郡主

卷九十五

閩六列傳

韓偓

崔道融

楊沂豐

陳嶠

黃滔

徐寅

翁承贊

張睦
子廡

孟威

劉山甫

鄭良士

張仔鈞

陳師先

鄒磬

虞雄

陳霸先

伍昌時
子德普

王定簡

程贊

蔡儼

黃子稜

李灞

鄒勇夫

卷九十六

閩七 列傳

黃諷

林省鄒

葉翹

鄭元弼

王倓

黃峻

陳光逸

潘承祐

湛溫

董思安

王忠順

林仁翰

劉瓊

顏仁郁

賈郁

方仁岳

陳洪濟

林揆

卷九十七

閩八 列傳

王仁績

楊廷式

翁部

黃岳

盧皓

林甲

李崇禮

蕭孔冲

廉若

柳崇

劉乙

詹敦仁

子珩

陳乘

陳郁

江為

陳致雍

李相

林安

陳寅

石氏二女

練嵩

鄭氏

謝氏

卷九十八

閩九列傳

陳峴

薛文傑

陳郊

林興

蔡守蒙

陳匡範

黃紹頗

余廷英

李仁遇

楊思恭

王延稟

李倣

朱文進

連重遇

李仁達

卓巖明

卷九十九

閩十列傳

僧智廣

僧文炬

僧義存

上藍和尚

僧備

僧慧球

僧道熙

僧義收

夢筆和尚

僧神晏

僧智玲

僧玄衲

僧文超

僧文展

僧師解

僧道閑

僧慧稜

僧義英

僧從展

僧藻光

僧從允

僧玄應

建州僧

僧行雲

陳守元

靖姑

譚紫霄

吳翁

虞臯

林願女

卷一百

荆南一

武信王世家

卷一百一

荆南二

文獻王世家

貞懿王世家

侍中保勗世家

侍中繼冲世家

卷一百二

荆南三列傳

武信王夫人張氏

武信王子從詡

從詵

從讓

從謙

從子從嗣

從義

文獻王子保勳

保正

保紳

保寅

保緒

保節

保遜

保衡

保膺

貞懿王子繼充

文信王五女

王保義

司空薰

倪可福

鮑唐

梁震

孫光憲

卷一百三

荆南四

列傳

李載仁

倪從進

王貞範

王惠範

弟延範

康張

魏璘

王昭濟

王宗範

李景威

梁延嗣

溫克脩

王處士

僧齊己

僧文了

荆南僧

荆南仙女

卷一百四

北漢一

世祖本紀

卷一百五

北漢二

睿宗本紀

少主本紀

英武帝本紀

卷一百六

北漢三 列傳

睿宗后郭氏 郭姬

英武帝后段氏

世祖子鎬 錡 錫 錯 銑

世祖孫彭城郡王繼文 繼欽

定王繼顥 劉繼業 劉繼忠

卷一百七

北漢四列傳

李驥

鄭珙

趙華

李光美

李存瓌

張元徽

白從暉

王得中

段常

衛融

盧贊

蔚進

郝貴超

郝惟慶

張崇訓

鄭進衛儔

高仲曦

張昭敏

馬峯

盧俊

卷一百八

北漢五列傳

馬忠恕

趙弘

李惲

楊夢申

王保衡

王景絕

郭無為

侯霸榮

范超

李筠

卷一百九

十國紀元表

卷一百十

十國世系表

卷一百十一

十國地理表上

卷一百十二

十國地理表下

卷一百十三

十國藩鎮表

卷一百十四

十國百官表

臣等謹案十國春秋一百十四卷

國朝吳任臣撰任臣字志伊仁和人康熙己未

舉博學鴻詞官翰林院檢討任臣以歐陽修

作五代史于霸國仿晉書例為載記每畧而

不詳乃採諸霸史禘史以及小說家言並證

以正史彙成是書凡吳紀傳十四卷南唐二

十卷前蜀十三卷後蜀十卷南漢九卷楚十

卷吳越十三卷閩十卷荆南四卷北漢五卷

十國紀元世系表各一卷地理志二卷藩鎮

表一卷百官表一卷又仿裴松之三國志注
例於本文之下自為之注載別史之可存者
或有虛誣亦為辨証如田頽擒孫儒年月則
從吳錄而不從薛史呂師周奔湖南年月則
從通鑑而不從九國志南唐烈祖家世則從
劉恕十國紀年及歐史而不從江南野史吳
越備史皆確有所見他類是者甚多五表考
訂尤精可稱淹貫特無傳之人僅記名字亦

列諸卷之末則史無此例未免作古耳乾隆
四十一年三月恭校上

總纂官臣紀昀 臣陸錫熊 臣孫士毅
總校官臣陸費墀

十國春秋自序

古作史有二體曰編年曰紀傳而紀傳實創始於司馬遷自史記暨前後漢書以迄遼金元史凡二十一部藏諸內府布之學省都邑亦云盛矣然古史於正統為特詳至偏霸人物事實恆略而不備晉書僅列劉石慕容等於載記魏崔彥鸞譔十六國春秋以補之今雖殘闕非全書而視晉史已稍稍加詳若歐陽五代史附十國世家於末中間敘事雅稱簡潔然頗多遺漏立傳者獨

孫晟劉仁贍數人而已又於十國事時有未覈如閩世家以閩主昶弟繼恭為其子楚世家載彭師曷奉衡山王事不及廖偃吳越世家言自鏐世常重斂其民以事奢侈之類讀史者或有所不足焉任臣以孤陋之學思取十國人物事實而章著之網羅典籍爰勒一書名曰十國春秋為本紀二十世家二十二列傳千二百八十二人以國分事以類屬又為紀元世系地理藩鎮百官五表總一百一十四卷雖世遠人湮書冊難考乃鑑觀

諸邦略得而論大抵南唐敦文事江左以興吳越效恭
順國祚克永楚以侈靡喪厥家閩以淫暴傾其國楊氏
孱弱而隨失高氏無賴而幸存前後蜀之恃險無備其
迹同也南北漢之先滅後亡其勢異也知乎此而十國
君臣之得失政治之盛衰傳世長短之數國勢順逆之
形夫固可以概見而得其要領矣或謂李茂貞據岐兩
世父子相傳以諸國相衡是為荆南之匹也茲進南平
而黜岐者何蓋史從前文亦仍十國世家之舊云爾至

於書名春秋者墨子云吾見百國春秋春秋古史名也
前此有楚漢春秋魏氏春秋今則倣彥鸞之書而繫以
春秋也若云孔子嘗修魯春秋矣愚又奚敢上擬聖人
筆削而甘蹈僭亂之罪哉書成聊著纂述之大指如此
康熙八年己酉孟夏仁和吳任臣撰

凡例

宋初路振編九國志不列南平以南平止江陵一隅不予其為國也後振孫綸作荆南志續之或稱十國志焉神宗時劉恕又著十國紀年蓋從五代史例也今十國仍以歐史為斷而南平易曰荆南則從溫公通鑑之稱

東漢今稱北漢亦從通鑑

帝稱本紀王稱世家古史家體也後世非天子而遽列本紀誤矣卷中帝則斷為本紀王則降於世家間有子

孫即帝位而追崇祖考如吳太祖烈祖高祖閩太祖南漢烈宗尊謚則從後日而敘事猶號世家所以紀其實

也

南唐後主降江南國主而猶列本紀者循馬陸二書之稱唐餘紀傳勦為國紀古史又無其例故姑從南

唐書

云

是編本紀世家中本國稱帝稱王者辭從主人也他國稱某主某王者重內而略外也至於唐昭帝昭宣帝宋藝祖太宗獨稱帝以異之亦春秋尊王朝大居正之義帝與后稱殂王與妃夫人稱薨太子世子亦稱薨諸王

亦稱薨帝后不稱崩者仿通鑑紀曹魏諸君之法也

馬令南唐烈祖本紀先書名繼書王繼稱帝至元宗本紀末年稱國主後主本紀稱國主此後人述前代之史與臣子執筆者較殊也愚竊取其義以為本紀世家書法

改元易號自昔傳聞異辭本書所紀年號一以碑文是正如吳越天寶寶大寶正雜見墓碑寶幢而北漢天會紀年則取證於李暉千佛樓銘益金石遺文往往足糾

前史譌謬故愚於卷中多錄廟碑塏文于注以佐史書
闕漏而考覈不至無稽云

崔鴻十六國春秋陸游南唐書每年必冠以年號所以
標正朔防參錯也本書具遵其法即無事必書曰某年
庶幾綱舉目張有條而不紊耳

十國本紀世家中間師曰我師官曰我某官皆各就本
國而稱也史記田齊世家云魯伐我入陽闕晉伐我至
博陵趙世家云秦拔我榆次南史宋高祖紀曰鞏縣人

宗曜於其田所獲嘉禾九穗同莖帝以獻晉帝以歸於
我帝冲讓乃止蘇轍古史楚世家曰嬰齊伐鄭欒書救
鄭遇於繞角我師還古人書法原有此例據此可釋後
人稱前代為我之嫌矣

十國列傳首后妃次太子世子次諸王公主次諸臣而
以方外終篇人因國分各為經緯大氏與承祚之三國
彥鸞之十六國先後部署略從同焉

劉道原既作紀年又擬作十國藩鎮百官諸志竟未卒

業至今闕如愚於卷末勒成五表而諸國年號方輿之
不齊宗支官秩之崖略已瞭然可概睹已

五代距今六七百年世代久遠正史故多遺失而歐史
載十國事尤缺略是編所采古今書籍無慮數百餘種
若冊府元龜太平御覽資治通鑑通鑑考異文獻通考
續文獻通考玉海說郛朝野雜記津逮秘書史纂左編
新舊唐書唐會要薛氏舊五代史歐陽五代史王溥五
代會要陶岳五代史補尹洙五代春秋五代史闕文五

代通史梁編遺錄九國志五國故事十國紀年宋史東
都事略李燾續資治通鑑長編吳錄稽神錄江淮異人
錄妖亂志淝上英雄錄范成大吳郡考馬令南唐書陸
游南唐書陳彭年江南別錄龍衮江南野史鄭文寶南
唐近事唐餘紀傳江表志釣磯立談史外小錄耿先生
傳南唐拾遺記蜀檣杙錦里耆舊傳李昊蜀書蜀國春
秋全蜀藝文志成都見聞錄何光遠鑑戒錄北夢瑣言
三楚新錄湖湘故事楚紀吳越備史順存錄錢氏家乘

葆光錄吳越改元辨兩朝貢奉錄家王故事吳興藝文

志兩浙名賢錄武林舊事楓牕小牘閩王事蹟何氏閩

書林譚閩中記晉安逸志閩海叢書榕陰新簡陳鳴鶴

閩中考章仔鈞族譜金鳳外傳嶺南文獻吳萊南海古

蹟記江陵志餘晉陽見聞錄遼史郡縣釋名歐陽志輿

地廣記樂史太平寰宇記祝穆方輿勝覽茅山志洞霄

宮志兩廣名勝志金陵志一統志廣輿記湖廣通志八

閩通誌梁克寬三山志廣東通志浙江通志杭州府志

西湖志餘紹興府志嚴州府志淳安縣志肇慶府志海

鹽圖經中都志武林梵志名山記合璧事類海錄碎事

七修類藁職官分紀鄭氏書目國史經籍志日涉編天

下碑記王象之碑目五燈會元高僧傳列仙通鑑劍俠

傳圖繪寶鑑宣和畫譜譚子化書彭曉參同契註東國

通鑑馭交記輟耕錄實賓錄容齋三錄太平廣記青箱

雜記二老堂雜志玉壺清話太平清話廣博物志清異

錄洪遵泉志文苑英華宋文鑑宋文選計敏夫唐詩紀

事金荃集花間集詞品花蕊夫人宮詞

有二本所載略異


徐散

騎集徐寅集黃滔集羅昭諫集韋莊集杜光庭集貫休
集齊己集方蛟峰集曾子固集王荆公集宋潛溪集升
菴外集愚輒會粹成書都為一部倘臆說杜撰率爾無
徵實所未敢

十國典故散佚摺摭滋艱卷中偶獲瑣事纖語不忍遽
棄時復登載用資見聞雖延壽繁猥之譏知所不免而
心期廣搜珍惜片羽後有同志當鑒微懷



十國春秋凡例



總校官庶吉士 臣張能照


校對官編修 臣朱攸

謄錄監生 臣趙友彬

欽定四庫全書薈要

史部
十國春秋卷二

詳校官員外郎臣楊世綸



欽定四庫全書薈要卷八千五百六十七

史部

十國春秋卷一

檢討吳任臣撰

吳一

太祖世家

太祖姓楊名行密字化源廬州合肥人也

十國紀年云楊行密

六合人莊宗列傳云行密壽州壽春人今從吳錄新舊五代史五國故事

父名愆世爲農

家

愆音夫見十國紀年

行密初名行愆爲人長大有力能手舉

百斤

冊府元龜云行密少孤貧有臂力五國故事云力舉三百斤今從歐陽史

日行三百

里居常獨處必見黑人侍其側心竊異之唐乾符中
江淮羣盜起行愍以為盜見獲刺史鄭縈奇其貌曰

爾且富貴何為作賊釋縛縱之北夢瑣言又云鄭縈
常典廬州楊行密為

本州步奏官因有遺闕而
答責之與五代史不同後應募為州兵戍朔方遷

隊長歲滿戍還而軍吏惡之復使出戍冊府元龜曰
秦宗權授淮

右廡寺郡將募能擒賊者計級賞之行密以膽力應
募往必有獲通鑑曰行愍本廬州牙將勇敢屢有戰

功都將忌之白刺史郎
幼復連使出戍于外行愍將行過軍吏舍軍吏陽

為好言問其所須行愍奮然曰惟少公頭耳即斬其

首攜之而出因起兵爲亂并將諸營自稱八營都知
兵馬使時中和三年三月也刺史郎幼復不能制薦
於淮南節度使高駢請以自代駢以行愍爲淮南押
牙知廬州事

歐陽史言幼復棄城走行密
遂據廬州非是今從通鑑

唐即除行

愍廬州刺史是時駢惑于方士呂用之用之與軍使
俞公楚姚歸禮不相能詐謂行愍曰二人將有事於
廬州行愍遽發兵掩之二將殲焉用之以公楚等謀
亂告駢賞行愍有加明年駢以從子濬知舒州事會

羣盜陳儒攻舒州瀘乞援廬州行愍謀于牙將李神
福神福請不用寸刃而逐之遂以舒州兵多建廬州
旗幟若結大陳然賊懼而宵遁久之羣盜吳迥李本
復攻舒州瀘棄城走爲駢所殺行愍乃遣將陶雅張
訓等將兵擊迥本擒斬之即以雅攝舒州刺史已而
黃巢之黨秦宗權遣其弟將兵寇廬州據舒城行愍
命將田頌擊却之光啟二年冬十二月壽州刺史張

翽

吳錄作張淑妖亂志作
張敖今從十國紀年

遣其將魏虔將萬人來寇

廬州行愍令田頌李神福張訓拒之敗虔于褚城是
月滁州刺史許勅襲舒州陶雅奔還廬州高駢命行
愍更今名三年淮南左廂都知兵馬使畢師鐸自稱
行營使與軍使鄭漢章高郵鎮遏使張神劍

十國紀年云張

雄淮南人善劍號張神劍今欲別于前蘇州刺史張雄故但稱神劍

興兵討呂用之陷

揚州用之亡走師鐸執高駢而幽之時用之詐爲駢
牒署行密行軍司馬追兵入援廬江人袁襲說行密
曰此天以淮南授明公也趣赴之行密乃悉發廬州

兵復借兵於和州刺史孫端合數千人往援五月行

密至天長用之引兵來歸會張神劔求貨於畢師鐸

師鐸不即與神劔亦以其衆來屬未幾海陵鎮遏使

高霸曲溪人劉金盱眙人賈令威悉以其衆歸行密

行密衆至萬七千人張神劔運高郵糧以給之先是

師鐸遣其屬孫約與其子詣宣州乞師于觀察使秦

彥且許以克城日迎之爲帥彥心動亟命牙將秦稠率

兵三千至揚子以應師鐸師鐸復召彥渡江是月甲午

彥遂將宣歙兵三萬餘人乘竹筏沿江而下趙暉邀擊於上元殺溺殆半丙申彥入廣陵自稱權知淮南節度事仍以師鐸為行軍司馬補池州刺史趙錕為宣歙觀察使戊戌行密抵廣陵不得入屯兵蜀岡為八寨於城

下以守之彥閉城自守

妖亂志云六月癸卯朔秦彥令鄭漢璋等守諸門今從通鑑

六月戊午彥遣師鐸與秦稠統兵八千自城西出戰稠敗死士卒死者十之八城中乏食樵採路絕宣州軍始有食人者時前蘇州刺史張雄兵於諸軍為稍強秋八

月彥以僕射告身授雄又以尚書告身三通授裨將馮

弘鐸等廣陵人競以金玉珠繒詣雄軍買食通犀帶一

得米五升錦衾一得糠五升

唐書云以銀二斤易斗米逮糠粒以差為直

雄

軍既益富不復肯戰久之反陰助我兵丁卯彥乃悉衆

萬二千人遣師鐸及其黨鄭漢章出陳於城西延袤數

里行密安卧帳中曰賊近告我命先積金帛麩米於一

寨使羸弱守之而多伏精兵於其旁為三覆以待彥及

兵交行密自將千人衝其陣陽不勝棄營走彥兵饑乘

勝爭入營取軍實伏發行密反兵擊之俘斬畧盡積尸
十餘里師鐸漢章大敗單騎走入城九月甲戌彥命將
劉匡時殺高駢并子弟甥姪無少長皆死同坎瘞之

時有

尼王奉仙言于秦彥曰揚州分野極災必有一大人死自此喜矣又畢師鐸先幽高駢于道院至是出師屢敗

疑駢為厭勝又恐駢常有內應者故殺駢

乙亥行密聞駢死縞軍向城哭三

日冬十月彥遣漢章擊張神劔高霸寨破之神劔奔高
郵霸奔海陵行密之圍廣陵也凡半載與彥師鐸大小
數十戰城內無食米斗直錢五十緡草根木實都盡以

堇泥為餅食之餓死者過半宣軍多掠人詣肆售之或
夫婦父子自牽繫就屠門相鬻屠者輒剗剔如羊豕然
外圍日益急彥師鐸計無所之行密亦以城久不下欲
引還己巳夜會大風雨呂用之部將張審威帥麾下士
三百晨伏於西壕俟守者易代潛登城啟關納其衆守
者竟不聞而潰初彥師鐸信重妖尼王奉仙戰陳時日
多取決焉至是復咨之奉仙曰走上策也遂自開化門
出奔東塘行密統諸軍合萬五千人入揚州自稱淮南

留後以駢從孫愈攝副使改殯駢及其族責駢舊將不

盡節於高氏者殺梁纘於戟門之外韓問以投井死是

時遺民裁數百家饑羸非復人狀行密不能守欲走會

蔡州秦宗權遣弟宗衡略地淮南與行密爭揚州以孫

儒為之副而張佶劉建鋒馬殷秦彥暉實從焉十一月

辛未宗衡至廣陵城西據行密故寨輜重未入城者悉

為蔡人所有彥及師鐸還自東塘與宗衡合

彥師鐸至東塘張維

不納將趣宣州宗行密閉城不敢出已而宗權召宗衡

衛召之乃引兵還

還蔡拒吳興郡王朱全忠儒稱疾不時行宗衡屢趣之
儒大怒甲戌手劄宗衡於酒間傳首於汴宗衡將安仁
義降於我行密悉以騎兵相委列於田頔之上儒是時
分兵掠鄰州與彥師鐸輕兵襲高郵辛巳高郵鎮遏使
張神劔帥麾下兵逃揚州丙戌儒屠高郵戊子高郵殘
卒七百人潰圍來奔行密慮其變也一夕分隸諸將盡
阮之明日殺神劔於其第壬寅勒令海陵鎮遏使高霸
帥兵民入廣陵有違命者族之戊戌霸與弟晔及部將

余繞山前常州刺史丁從實至揚州行密郊迎霸暉約
為兄弟置其將卒於法雲寺已而用表襲言閏月己酉
因犒軍伏甲擒霸繞山從實殺之并掩殺其黨於寺死
者數千人是日大雪寺外地數里皆赤暉出走詰旦為
羅騎所獲殲焉先是呂用之在天長也給行密曰用
之有白金五萬錠瘞於所居克城日願備戲下一醉至
是行密大閱士卒願用之曰僕射許此曹銀何食言邪
呼牽下命田頔鞠之用之叩首服罪自言與鄭杞董瑾

謀中元夜邀高駢至第建黃籙齋縊殺之因令莫邪都

帥諸軍推己為節度使庚戌腰斬用之於市怨家剗裂

立盡并誅其族黨

軍士發其中堂得桐人與駢姓名于胸桎梏而釘之

居數日表

襲以廣陵饑弊不可守勸徙兵以避蔡賊甲寅行密遣

和州將延陵宗以衆二千人歸和州乙卯令指揮使蔡

儔將兵千人輜重數千兩歸廬州是時唐以淮南久亂

命吳興郡王朱全忠兼淮南節度使東南面招討使全

忠遣內客將張廷範致朝命除行密淮南節度副使又

以宣武行軍司馬李璠為淮南留後遣牙將郭言將兵送之行密初遇廷範甚厚及聞璠來怒有不受之色廷範遣人白全忠宜以大軍赴鎮未幾廷範遁歸曰行密未可圖也

後李璠言徐軍遮道竟不至淮南

文德元年春正月孫儒殺

秦彥畢師鐸并其兵

彥等之歸秦宗衡也衆猶二千餘人後稍稍為儒所奪裨將知其必

及禍乃誣告彥等潛召汴軍儒既殺彥等乃以宏為馬軍使

是月行密執張守一誅

之守一初與呂用之來歸久之為諸將合丹藥復欲干軍府政故行密怒焉二月全忠奏以行密為淮南留後

夏四月壬午孫儒陷揚州

按妖亂志四月癸未朔甲申儒陷揚州新唐書云四月戊

辰實錄云五月儒陷揚州吳錄十國紀年俱云四月無日今從舊唐書月日

行密出走儒自

稱淮南節度使行密將犇海陵袁襲勸回廬州再為進

取之計乃走廬州秋八月行密欲輕兵襲洪州袁襲言

鍾傳未易圖趙錕新得宣州其為人非公敵此可取也

行密使蔡儔守廬州乃引兵濟糝潭攻錕大敗錕將蘇

塘漆朗於曷山進圍宣州錕兄乾之自池州帥衆來援

行密別遣將陶雅逆擊於九華破之乾之犇江西以雅

為池州制置使龍紀元年夏六月宣州城食盡人相啗
指揮使周進思據城逐趙鏗鏗將犇廣陵田頎追擒之
未幾宣州城執進思以降行密入宣州表言於唐詔以

行密為宣歙觀察使東平王全忠

按薛史歐陽史皆云龍紀元年三月全忠

封東平王舊唐書則云龍紀元年四月惟通鑑作天復元年封東平王今據歐薛諸史竟于龍紀年間稱東平

王

與鏗有舊遣使求鏗行密乃斬鏗首以遺之

歐陽史以為鏗

秦城走追及殺之非南唐書又云鏗出降亦非

鏗額上常有肉隱起及其死破

額得珠識者曰此人珠也既死不可復用孫儒兵來攻

廬州蔡儔以州降之冬十月行密遣馬步都虞候田頵

等攻常州

時錢鏐將杜稜守常州

十一月頵圍常州使宣州偏將

李友

一作宥

為地道入城中宵旌旂甲兵出於制置使杜

稜之寢室遂鹵稜而出頵以兵三萬戍常州十二月戊

寅孫儒自廣陵引兵度江壬午逐田頵取常州以劉建

鋒守之儒還廣陵建鋒又逐成及取潤州

時及為錢氏守潤州

大

順元年春正月汴將龐師古等衆號十萬度淮聲言來

援攻下天長壬子下高郵二月師古兵入淮南與孫儒

戰于陵亭師古兵敗而還是月行密遣將馬敬言帥兵

五千乘虛據潤州李友帥兵二萬屯青城將攻常州安

仁義劉威田頽敗劉建鋒於武進復取常州敬言仁義

威兵屯潤州三月唐賜宣歙軍號寧國以行密為節度

使夏六月孫儒求好於東平王全忠全忠表為淮南節

度使未幾汴人殺其使者復為讐敵如初秋八月儒來

攻潤州是月李友攻蘇州拔之制置使沈粲犇於孫儒

粲歸錢鏐鏐欲
誅之因投儒

九月行密以牙將張行周為常州制置

使閏月孫儒遣劉建鋒攻陷常州行周死之遂圍蘇州

吳錄十一月孫儒攻破望亭無錫諸屯遂至蘇州今從吳越備史及通鑑冬十二月己巳孫

儒陷蘇州殺我鎮將李友安仁義等聞之焚潤州廬舍
夜遁儒使沈粲守蘇州又遣其將歸傳道守潤州二年
春正月孫儒盡舉淮蔡之兵濟江癸酉自潤州轉戰而
南田頴安仁義屢為所敗我軍戍守者多望風奔潰儒
將李從立奄至宣州東溪時守備未固衆心頗危懼行
密遣將臺濛帥五百人屯溪西濛令邏卒往反傳呼如

大衆駢至狀從立心疑之遽引去行密又使都指揮使李神福拒儒前軍於溧水神福陽退兵示怯儒軍殊不設備神福夜率精兵襲其營俘斬以千計夏四月行密遣劉威朱延壽將兵三萬擊孫儒於黃池我師敗績儒遂軍黃池之上五月大水諸營皆沒儒還揚州使其將康晔據和州安景思據滁州是月行密命李神福攻和滁克之晔乞降景思出走秋七月東平王全忠約與我共攻孫儒儒恃兵強移檄藩鎮數行密及全忠罪且曰

俟平宣汴當引兵除君側之惡於是悉焚揚州廬舍驅
丁壯婦女度江殺老疾以餉軍行密別將張訓李德誠
潛入揚州滅餘火得穀數十萬斛以賑饑民時泗州刺
史張諫貸數萬斛給軍訓以行密之命餽之諫由是德
于我乙未儒自蘇州出屯廣德行密率兵拒之儒圍行
密寨李簡統百餘人力戰破寨拔行密以出冬十二月
儒焚掠蘇常引兵逼宣州錢鏐復遣兵據蘇州儒屢破
我兵旌旗亘百餘里號兵五十萬行密求救於錢鏐鏐

稍稍以兵食助我景福元年春正月行密欲退保銅官
牙將戴友規力諫而止二月孫儒圍宣州先是劉建鋒
為儒守常州至是將兵從儒行甘露鎮使陳可言乘虛
率部兵千人據之行密將張訓引兵奄至城下可言倉
猝出迎訓手刃之遂取常州是時別將又取潤州三月
徐州時溥遣兵三萬南侵至楚州夏四月張訓李德誠
敗徐兵於壽河俘斬三千級遂取楚州執其刺史劉瓚

新唐書作三月乙巳
執瓚今從十國紀年

五月行密屢敗孫儒兵破其廣德

營張訓屯安吉斷其糧道儒食盡士卒大疫遣其將劉建鋒馬殷分兵掠諸縣六月行密聞儒疾瘥戊寅大雨晦冥縱兵擊之儒軍大敗安仁義連破儒五十餘寨田頔擒儒於陳斬之傳首京師儒衆多降於我

按薛氏五代史大順

二年儒攻行密屬江淮疾疫師人多死儒亦臥病為部下所執送于行密殺之行密自宣城長驅入于廣陵舊

唐書云大順二年三月淮南節度使孫儒為宣州觀察使楊行密所殺唐補紀云大順二年九月孫儒兵敗于

宛陵城下楊行密進首級于西京惟吳錄曰景福元年六月六日太祖盡率諸將晨出擊儒田頔臨陳擒儒以

獻斬儒于市似屬可据今從其說

丁酉行密帥衆歸揚州過常州謂左

右曰常州大城也張訓以一劍下之豈不壯哉

按吳錄及唐烈

祖實錄光啟三年十月秦彥畢師鐸出奔行密入揚州十一月孫儒圍揚州文德元年四月儒陷揚州行密奔

廬州八月自廬州帥兵攻宣州龍紀元年六月陷宣州殺趙錕大順二年七月孫儒再渡江攻宣州景福元年

執斬儒後歸揚州其紀年月最確今悉從之

秋七月丙辰至廣陵表田頔守

宣州安仁義守潤州秋八月唐命行密為淮南節度使

同平章事以顯知宣州留後仁義為潤州刺史孫儒降

兵多蔡人行密選其尤勇健者五千人厚其稟賜以阜

衣蒙甲號黑雲都常以為親軍使之先登陷陳四鄰畏

之冬十月廬州刺史蔡儔發行密父祖墓與舒州刺史倪章連兵遣使送印于汴以求救東平王全忠惡其反覆納其印不救且牒報于我行密謝之遣行營都指揮使李神福將兵討儔二年夏四月神福圍廬州甲午行密自將詣廬州田頔自宣州引兵會之秋七月丁亥克廬州執蔡儔斬之八月丙辰遣田頔將宣州兵二萬攻歙州歙州刺史裴樞城守不可下久而取之時諸將為刺史多貪暴獨池州團練使陶雅寬厚得民歙人請得

雅為刺史行密即以雅為歙州刺史雅盡禮見樞送之

還朝冬十月倪章棄舒州走行密取舒州以李神福為

舒州刺史乾寧元年春三月黃州刺史吳討舉州附於

我夏五月武昌節度使杜洪攻黃州洪鄂州人光啟二年乘虛入鄂自為

節度使行密遣行營都指揮使朱延壽救之按唐杜洪傳永興民吳討

據黃州駱殷據永興二人皆隸土團者也故軍劉甚洪雖得節制而附朱全忠乾寧初身自將擊討乞師淮南

楊行密遣朱延壽助之洪引還延壽拔黃州俘討獻京師駱殷棄永興走行密取其地與此畧異今從通鑑所載

冬十一月泗州刺史張諫舉州來降時朱全忠遣使至泗州諫不堪其陵

忽故附
於行密

十二月吳討畏杜洪之逼納印請代行密以先

鋒指揮使瞿章權知黃州

或作瞿章瞿璋皆非
今從吳錄見後註

是冬行

密遣押牙唐令回持茶萬餘斤如汴宋貿易全忠執令

回盡奪其茶我始與汴有隙二年春二月行密表東平

王全忠罪惡於唐請會易定兗鄆河東兵討之三月行

密浮淮至泗州防禦使臺濛盛供帳以迎不悅而去已

而攻濠州拔之執其刺史張璠丁亥遂圍壽州夏四月

行密攻壽州不克將引還庚寅朱延壽請往更攻一鼓

拔之執其刺史江從勗行密即以延壽知壽州團練使
未幾汴兵數萬來攻壽州州兵少吏民恐懼延壽命黑
雲隊長李厚拒之厚殊死戰都押牙柴再用復為之助
延壽悉衆乘之汴兵敗走是月行密又命將襲陷漣水

令張訓守之遣使詣錢鏐言董昌已改過宜釋其罪

董昌

本末見吳越武肅王世家

亦遣使如昌趣其朝貢于天子未幾唐加

行密檢校太傅同中書門下平章事封弘農郡王

按沈顏宣

州重建小廳記末云乾寧二年乙卯秋九月八日記中
間有曰弘農王方作泚水又曰弘農王允憫是誠又曰

弘農王去寧揚土是乾寧二年九月之前行密已賜爵
為王矣其不見於傳紀者蓋史失之也顏係吳臣且當
乙卯年所作廳記必無差誤可知後楊渥亦授弘農郡
王其本乃父之爵明已况光啟二年三月朱全忠進爵
沛郡王大順二年二月李克用賜爵隴西郡王景福元
年董昌封隴西郡王俱是乾寧以前故事何獨于行密
而疑之

時滁人呼苻溪曰菱溪揚州人呼密曰蜂糖諱行
密名也秋九月遣泗州防禦使臺濛攻蘇州以救董昌

且表昌於朝言昌引咎願修職貢請復官爵又遺彭城

郡王錢鏐書稱昌狂疾自立已畏兵諫執送同惡

謂昌送首

謀者吳瑤及巫不當復伐之冬十月遣寧國節度使田
悅數人於鏐也

顧潤州團練使安仁義攻杭州鎮戍以救董昌昌使湖州將徐淑會我偏將魏約共圍嘉興鎮海將顧全武統兵救之我別將柯厚進破蘇州水寨

乾寧三年春正月辛未安仁義至湖州欲渡江以援董昌時顧全武等守西陵禦我師仁義不克渡二月唐帝從王請赦董昌復其官爵彭城郡王錢鏐不從夏四月我兵與鎮海兵戰於黃天蕩鎮海兵敗績我師遂圍蘇州是時鏐與鍾傳杜洪畏我之逼皆乞援於東平王全

忠全忠遣許州刺史朱友恭統兵萬人渡淮聽以便宜

行事癸未蘇州常熟鎮使陸郢等舉城來附鹵其刺史

成及王遂取蘇州署及行軍司馬及引刀欲自裁王執

其手止之館於府舍及邸中頗有劔甲兵仗王每單衣

詣之與共飲膳無所疑及亦時時抵王內室常遇王起

盥漱右手擎沙鑼可百餘兩實水其中以洗項因服王

力舉三百斤為不虛云是月朱延壽破蘄州降其大將

賈公鐸及刺史馮敬章

光啟三年敬章
陷蘄州為刺史

王以敬章為左

都押牙公鐸為監門衛將軍延壽進拔光州殺其刺史
劉存是時王命田頵守宣州安仁義守潤州已而昇州
刺史馮弘鐸來附分遣頵等攻掠自淮以南江以東諸
州皆下之於是始全有淮南之地冬十一月戊子湖州
刺史李師悅卒先是師悅求旌節於唐唐詔置忠國軍
於湖州以師悅為節度使賜告身旌節者未入境而師
悅已死王表師悅子彥徽知州事

彥徽前為綿州刺史
昭宗實錄云乾寧二

年四月忠國節度使李師悅卒以其孫
彥徽知留後今從十國紀年新唐書

是月遣安仁義

攻婺州

乾寧四年春正月兩浙將杜稜救婺州安仁義移兵攻睦州不克而還二月兗州朱瑾來奔初瑾為汴人所攻求救於河東河東將史儼李承嗣將勁騎數千助瑾瑾敗因與擁州民俱來王逆之於高郵表瑾領武寧軍節度使我兵皆江淮人輕弱善水戰不任騎射至是得河東兗鄆兵而軍聲益振儼承嗣故河東驍將晉王李克用深惜之遣使間道來請王許之亦遣使詣河東修好

是月唐詔王為江南諸道行營都統以討武昌節度使

杜洪

朱全忠圍鳳翔昭宗遣使者東出道武昌洪皆殺之洪又附全忠絕東南貢獻路故命行密討之

夏四月辛亥兩浙將顧全武等將兵三千自海道救嘉興已未至城下我兵大敗是月杜洪乞師於汴汴將聶金掠泗州朱友恭攻黃州以撓我師王遣右黑雲都指揮使馬珣等救黃州黃州刺史瞿章聞友恭至棄城擁衆南保武昌寨癸亥兩浙將顧全武等破我兵十八營鹵將士魏約等三千人去時田頔屯驛亭埭兩浙兵

乘勝逐之甲戌顏自湖州奔還宣州兩浙兵追之顏衆大敗死者千餘人五月辛巳朱友恭為浮梁於樊港進

攻武昌寨壬午拔之執我刺史瞿章遂陷黃州

按薛史梁紀五

月丁丑朱友恭上言大破淮寇于武昌收復黃鄂二州新唐書云壬午全忠陷黃州刺史瞿璋死之朱友恭傳

作瞿章吳錄曰執刺史瞿章十國紀年亦云瞿章今從之馬珣等敗走秋七月庚戌

兩浙遣將顧全武來取蘇州乙未陷松江戊戌陷無錫

辛丑陷常熟華亭是月吉州刺史周珙為鍾傳所攻率衆來奔九月湖州刺史李彥徽欲舉州來附其衆不從

彥徽遂奔於我

都指揮使沈攸以州歸錢鏐

是月東平王全忠大舉

入寇遣龐師古以徐宿宋滑之兵七萬壁清口將趣揚州葛從周以兗鄆曹濮之兵壁安豐將趣壽州全忠自將屯宿州境內震恐冬十月王與朱瑾將兵三萬拒汴軍於楚州別將張訓自漣水引兵會焉王以為前鋒龐師古營於清口或言營地汙下不可久處師古不聽恃衆輕敵居常以奕棊為樂瑾壅淮上流欲灌之有奔告師古者師古以惑衆斬之十一月癸酉瑾與裨將侯績

將五千騎潛度淮水用汴人旗幟自北來趣其中軍張
訓踰柵而入士卒蒼黃拒戰淮水大至汴軍殊駭亂王
自引大軍濟淮與瑾等夾攻之汴軍大敗斬師古及將
士首萬餘級餘衆悉潰時葛從周營壽州西北壽州團
練使朱延壽擊破之退屯濠州聞師古敗奔還王與瑾
延壽乘勝追之及於淠水五代史作淠河從周方半濟我兵合
擊之殺溺殆盡從周僅走免過後都指揮使牛存節棄
馬步鬪諸軍稍得濟淮凡四日不食會大雪汴卒緣道

餓死還者不盈千人

五代史又云牛存節收其散卒八千以歸今從通鑑

東平王

全忠聞敗亦奔還王遺書謂之曰龐師古葛從周非敵也公宜自來淮上決戰王既獲勝置酒大會諸將顧行軍副使李承嗣曰始吾欲趣壽州副使謂當先向清口師古敗從周自走今果如副使筭賚以錢萬緡表承嗣領鎮海軍節度使王自是保據江淮之間汴人不能與我爭矣

乾寧五年春正月兩浙江西武昌淄青各遣使詣闕請

以東平王全忠為都統致討於我唐帝不許三月周本
救蘇州為兩浙將顧全武所敗秦裴以兵三千人拔崑
山而戍之秋七月忠義節度使趙匡凝聞汴人有清口
之敗陰附於我東平王全忠遣宿州刺史氏叔琮將兵
伐之八月甲子唐赦天下改元光化九月顧全武攻蘇
州城中及援兵食皆盡刺史臺濛及李德誠等棄城走
援兵亦遁全武遂陷蘇州追周本於望亭我師敗績五代

史云周本戰于白方湖
本敗蘇州復入于越

獨秦裴堅守崑山不下全武檄

裴令降裴不聽全武復益兵攻城引水灌之城壞食盡
裴率羸兵以降時兵不盈百人之數云冬十月己亥汴
將朱友恭自黃州還過安州或言刺史武瑜與我連謀
友恭攻而殺之閏月婺州刺史王增為浙軍所伐以抗
命故也十一月衢州刺史陳岌請降兩浙將顧全武帥
兵討之是月東平王全忠以奉國節度使崔洪交通於
我遣其將張存敬攻洪洪懼以弟賢質於汴且言將士
不受節制請遣二千人詣麾下從征伐許之

十同紀年
云洪託以

將士不受節制遣兄賢質於汴按舊唐書張存敬以兵
襲蔡州刺史崔洪納款請以弟賢質於汴昭宗實錄亦
云弟賢今十二月遣成及歸兩浙以易魏約等彭城王
從其說

鏐許焉

光化二年王與朱瑾將兵數萬攻徐州軍於呂梁東平

王全忠遣騎將張歸厚救之

歐陽氏牛存節傳云朱瑾
召兵攻徐宿存節謀曰

淮兵必先攻宿然宿溝壘素固可以禦敵乃夜以兵
急趣徐州比傳城下瑾兵方至望其塵起驚曰梁兵已
來何其速也不能
攻而去即此時事是月全忠遣崔賢還蔡州發兵二千

詣大梁二月蔡將崔景思等殺賢劫崔洪悉驅兵民度

淮來奔於我中途兵民多遁歸至廣陵者不滿二千人

東平王全忠自將援徐州王聞之引兵還汴人追及於

下邳殺我兵千餘人全忠至輝州聞我兵已退乃引去

三月婺州為兩浙所圍刺史王壇乞師於寧國節度使

田頔夏四月頔遣行營都指揮使康儒等救之五月庚

戌儒等敗兩浙兵於龍丘擒其將王球

通鑑注云主將吳越備史云偏

將未詳孰是

遂取婺州

景福元年王壇得婺至是失之

秋七月海州戍將陳

漢賓請降于我

海州朱全忠所轄

淮海遊奕使張訓以漢賓心

未可知與漣水防遏使王綰將兵二千直趣海州據其城遂取海州王以臺濛為刺史綰為副使九月淄青節度使王師範以沂密內叛乞師於我冬十月王遣海州刺史臺濛副使王綰將兵助之拔密州歸於師範將進攻沂州先使人訶其虛實告曰城中皆偃旗息鼓矣綰曰此必有備而救兵近不可擊也諸將曰密已下沂何能為綰不能止乃伏兵於林中以待已而諸將攻沂州不克聞救兵至引退州兵乘之綰發伏擊敗其軍

光化三年春正月宣州將康儒攻睦州彭城郡王鏐使其從弟鉞拒之秋八月儒食盡自清溪遁歸冬十一月唐中尉劉季述幽天子于少陽院而立太子裕是歲唐加王兼侍中

光化四年春正月朔唐劉季述等皆伏誅天子復位黜太子裕為德王夏四月丁丑唐大赦天下改元天復秋八月王遣步軍都指揮使李神福等將兵攻杭州兩浙將顧全武等列八寨以拒之王聞流言彭城王鏐為盜

所殺也冬十月神福與全武相拒陽言中夜班師縱杭
俘歸告全武至暮神福先行命行營都尉呂師造設伏
青山下

九國志作
青山路

已而全武來追神福師造夾擊大破

之斬首五十級生擒全武神福進攻臨安兩浙將秦昶
帥衆三千降於我十二月李神福知彭城王鏐不死臨
安城猝不可拔即欲歸慮千秋嶺諸險為浙兵所邀乃
遣人守錢氏祖考丘壟禁樵採又使顧全武得通家信
彭城王鏐感其意遣使謝之未幾神福多設虛寨為疑

兵浙人以為我兵大至遂請和神福受其犒賂而歸

天復二年春正月天子在鳳翔

上年十一月為韓全誨等所劫

三月天

子以金吾將軍李儼為江淮宣諭使書御衣賜王拜王

東面行營都統中書令

歐陽史作檢校太師中書令今從通鑑

進爵吳王

以討朱全忠以朱瑾領平盧軍節度使馮弘鐸領武寧軍節度使朱延壽領奉國軍節度使凡淮南宣歙及湖南等道立功將士聽用都統牒承制遷補然後表聞王改牙城南門為天興門夏四月王歸顧全武於杭州以

易秦裴彭城王鏐大喜遣裴還時馮弘鐸以昇州介居
宣揚間常不自安然頗恃樓船之強不事兩道寧國節
度使田頔欲圖之募弘鐸工人造戰船工人曰馮公還
求堅木故其船堪久用今此無之頔曰第為之吾止須
一用耳弘鐸將馮暉顏建說弘鐸先擊頔弘鐸從之帥
衆南上聲音攻洪州鍾傳實襲宣州也王使人止之不
聽是月辛巳頔統舟師逆擊於曷山
或作葛山非
今從新唐書大破
之我兵遂取昇州弘鐸收餘衆將入海王恐其為後患

遣使犒軍且招之左右皆慟哭聽命弘鐸至東塘王自乘輕舟迎之升弘鐸舟慰藉良厚署為淮南節度副使館給有加等乃以李神福為昇州刺史是月王發兵討汴以副使李承嗣權知淮南軍府事已而進攻宿州不克竟以糧運不繼引還先是軍吏欲以巨艦運糧都知兵馬使徐溫曰運路久梗葭葦埋塞請用小艇庶幾易通及軍至宿州會久雨重載不能進士有飢色而小艇獨先至王由是奇溫始與議軍府事秋八月兩浙軍亂

九月兩浙叛將徐綰等乞師於宣州田頴引兵赴之是月顧全武同越王子傳瑯來求昏且曰使田頴得志必為王患王如召頴歸錢王請以子傳瑯為質王許之即以女妻傳瑯冬十月李儼至揚州王始建制勅院每有封拜輒以告儼於紫極宮玄宗像前陳制書再拜然後下十一月田頴急攻杭州仍具舟將自西陵渡江越王鏐遣其將盛造朱郁拒破之十二月王召頴還宣州庚辰顧徵犒軍錢於兩浙且求質子遂與徐綰等引兵歸

是歲昇州大風發屋飛大木

天復三年春正月王承制加朱瑾東面諸道行營副都
統同平章事以昇州刺史李神福為淮南行軍司馬鄂
岳行營招討使舒州團練使劉存副之率舟師萬人以
討杜洪洪將駱殷戍永興棄城走縣民方詔據城降神
福得詔大喜曰永興壯縣饋運所仰吾已得鄂之半矣
三月神福進圍鄂州洪嬰城請救於汴夏四月平盧節
度使王師範為汴兵所攻乞援於我乙未王遣將王茂

章以步騎七千救之又遣別將將兵數萬攻宿州梁王

全忠命將康懷貞救宿州我兵引還

康懷貞傳云楊行密攻宿州太祖遣

懷英擊走之拜宿州刺史懷英即懷貞也

是月汴將韓勅率萬人屯澠口以

為杜洪之援梁王全忠復馳使語荆南節度使成汭武

安節度使馬殷武貞節度使雷彥威令出兵救洪汭畏

汭之強且欲侵江淮地以自廣發舟師十萬沿江東下

汭為巨艦堂皇悉備命曰和州載其餘復有齊山截海

劈浪之名甚衆掌書記李珣諫曰我舟緩急不可動而

吳兵剽輕難與逐角武陵長沙皆吾讐也豈得不為反
顧之慮乎不若遣驍將屯巴陵大軍與之對岸堅壁勿
戰不過一月吳兵食盡自遁鄂圍解矣汭不聽行至公
安卜不吉欲還親吏楊師厚曰公舉全軍中道還何以
見百姓汭乃行五月汭未至鄂渚馬殷遣許德勳帥舟
師萬餘人雷彥威遣歐陽思帥舟師三千餘人會于荆
江口襲陷江陵大剽掠而去汭諸將亡其家無鬪志李
神福辟沙橋望汭軍曰戰艦雖盛首尾斷絕易制也當

急擊之壬子遣裨將秦裴楊成將衆數千逆擊於君山

敗之火其船衆大潰汭投江死

按新唐書十國紀年皆云壬子汭敗死壬子此

月十二日也

獲其戰艦二百艘韓勅聞之亦走還是月汭將

朱友寧屠博昌進拔臨淄抵青州城下遣別將攻登萊

王茂章會王師範弟萊州刺史師誨攻密州拔之斬其

刺史劉康乂以淮海都遊奕使張訓為刺史六月乙亥

汭兵拔登州師範帥登萊兵拒友寧於石樓為兩柵丙

子夜友寧擊登州柵茂章不為動頃之登州柵已破進

攻萊州柵比明茂章度其兵力罷矣與師範合兵出戰
大破之友寧旁自峻阜馳騎走馬仆青州將張土泉斬
之傳首廣陵茂章於是合兩鎮兵逐北至米河俘斬萬
計魏博之兵殆盡秋七月壬子梁王全忠自將兵二十
萬至臨朐命諸將攻青州師範出戰敗績茂章陽閉壘
不出伺汴兵氣稍懈毀柵疾戰如是者再至晡汴兵乃
退茂章度衆寡不敵是夕引軍還梁王全忠遣曹州刺
史楊師厚追及於輔厚時先鋒指揮使李虔裕將五百

騎殿後為師厚所執死焉張訓聞茂章歸植旗幟密州

城上封府庫以走未幾汴左踏白指揮使王檀攻密州

望旗幟疑有伏兵不敢進逾數日入城見府庫城邑皆

完遂按兵不追訓全軍而還是月兩浙睦州刺史陳詢

叛舉兵攻蘭溪八月寧國節度使田頔潤州團練使安

仁義同舉兵反

十國紀年云朱全忠聞田頔等叛矯制削奪王官爵命頔及杜洪鍾傳錢鏐充

四面招討使布制書于境上王知其詐妄案此事諸書不載今刪之仁義悉焚東塘戰艦

顯遣二使詐為商人詣壽州約奉國節度使朱延壽道

遇尚公迺疑之殺一人得顯書以告王王召李神福於鄂州使討顯己丑安仁義襲常州以刺史李遇有備隨引去壬辰以王茂章為潤州行營招討使擊仁義未幾茂章攻潤州不克王遣徐溫將兵會之溫易其衣服旗幟如茂章兵仁義不知復益兵出戰溫奮擊大破之奉國節度使朱延壽素狎侮于王頗懷怨望陰與田頔通是月頔遣前進士杜荀鶴至壽州與延壽相結又遣至大梁告梁王全忠全忠大喜遣兵屯宿州以為聲援九

月王召延壽至廣陵迎及寢門執殺之部兵驚擾徐温

諭以大義皆聽命遂斬延壽兄弟黜朱夫人夫人延壽之妻也顧

襲昇州得李神福妻子善遇之又遺神福書以其妻子

招之神福斬使者而進丁未敗顧將王壇汪建於吉陽

磯戊申又戰於皖口壇建僅以身免獲徐綰以遺兩浙

顧聞壇建敗自將水軍逆戰神福請王發步兵斷顧歸

路王遣漣水制置使臺濛將兵應之時王茂章攻潤州

久未下王命茂章移兵會擊顧聞濛將至留將郭行

棕及壇建水軍於蕪湖以禦神福而自將步騎來與濛
戰冬十月戊辰濛與顧遇於廣德先以王書徧賜顧將
顧將下馬拜受濛因其挫伏縱兵擊之顧兵遂敗又戰
於黃池濛陽走顧追之伏發大敗奔還宣州濛引兵圍
之顧亟召蕪湖兵還不得入行棕壇建及當塗廣德諸
戍皆帥其衆以降王復命茂章領兵攻潤州是時王乞
師於兩浙越王鏐命方永珍屯潤州從弟鎰屯宣州以
援我十一月乙亥田頔帥死士數百出戰臺濛陽退以

示弱願兵踰濠而鬪濠急擊之願不勝還走城橋陷墜
馬斬之其衆猶戰以願首示之乃潰濠遂克宣州王以
濠為宣州觀察使初王與願同閭里少相善約為兄弟
及願首至廣陵王視之泣下赦其母殷氏王與諸子皆
以子孫禮事之是歲宣州有鳥如雉而大尾有火光如
散星集於戟門明日大火曹局皆盡惟兵械存王以秦
裴為昇州刺史置德勝軍於廬州唐詔所在宦官皆賜
死王匿清海監軍程匡柔斬它囚以應

天復四年春正月梁王全忠屯河中表請天子遷都壬戌車駕發長安二月乙亥至陝三月丁巳唐帝遣問使以絹詔告難於我及西川河東等令糾率藩鎮以圖匡

復

詔有云朕至洛陽則為全忠所幽閉詔皆出其手朕意不得復通矣十國紀年楊行密三月王建四月

得王以李神福為鄂岳招討使復將兵擊杜洪梁王全

忠遣使請捨鄂岳復修舊好王報曰俟天子還長安始敢聞命是月王遣女與錢傳璪并顧全武歸錢塘先是王與錢氏不相能常命以大索為錢貫號曰穿錢眼兩

浙亦歲以大斧科柳謂之斫楊頭至是二姓通昏兩境
漸睦焉夏閏四月乙巳唐改元天祐大赦天下秋八月
李神福攻鄂州未下會得疾還廣陵王以舒州團練使
劉存代為招討使神福尋卒是月宣州觀察使臺濛卒
王以子牙內諸軍使渥代之冬十月光州叛降於汴王
遣兵圍之光州與鄂州皆告急於梁王全忠十一月戊
辰梁王全忠率兵五萬自潁濟淮軍於霍丘分兵救鄂
州我兵釋光州之圍還廣陵按兵不戰全忠分命諸將

大掠淮南以困我師冬十二月兩浙衢州刺史陳璋殺
羅城使葉讓請降於我是月王遣黑雲指揮使馬賓歸
長沙

天祐二年春正月梁王全忠遣將進兵逼壽州甲辰有
彗出於北河貫文昌其長三丈餘王茂章穴地入潤州
遂克之安仁義得士心攻之踰年不克至是城陷見執
并其子斬於廣陵市兩浙兵圍陳詢於睦州王遣西南
招討使陶雅帥兵救之兩浙將錢鎰顧全武王球來禦

我師為雅所敗鹵鎰球以歸是月梁王全忠圍壽州州人閉壁不出全忠乃自霍丘引歸二月梁王全忠遣其

將曹延祚將兵與杜洪共守鄂州

新唐書云汴兵不利引還使別將吳章以

三千兵解圍又云時全忠方與河東軍薄戰故不能救洪洪乃求助於馬殷殷不荅洪計窮復走全忠全忠遣

曹延祚合吳章兵萬三千救洪今從通鑑止書延祚一人時招討使劉存濬坎傅城

洪將駱殷為洪謀曰淮兵深入仰永興以濟若奇兵取之賊不戰而潰洪乃以精兵合汴人間道掩永興三十里而舍存以裨將方詔苗璘當之汴亡卒走璘壁言軍

虛實曰郟軍懦可取開道軍不可當也璘曰殺強則弱者撓矣乃自擊開道軍敗之禽汴士三百人徇城下洪軍皆氣奪存使辨士臨說百端洪恃汴方強無降意或勸存急擊援兵則城自下存曰擊之賊入則城固矣不如縱之遁城可取也俄而汴軍走庚子城陷執洪延祚及汴兵千餘人送廣陵王詰責洪曰爾同逆賊弑主與孤為讐吾軍還而復為賊後拒今定何如洪謝曰不忍負朱公與延祚等駢斬於市王以存為郟岳觀察使夏

四月陶雅會衢睦兵攻婺州兩浙將錢鏐將兵救之五月乙丑彗星長竟天出軒轅大角及於天市垣秋八月梁王全忠以襄州趙匡凝與我交通及聯姻西川乙未遣武寧節度使楊師厚將兵擊之己亥全忠以大軍繼之是月兩浙將方永珍救婺州九月甲子汴兵攻破襄州是夕趙匡凝舉族來奔陶雅陳璋拔婺州執刺史沈夏以歸王以雅為江南都招討使歙婺衢睦觀察使璋為衢婺副招討使璋攻暨陽為兩浙將方習所敗習進

攻婺州是月濠州團練使劉金卒命金子仁規知濠州
王寢疾遣使召子渥於宣州以潤州團練使王茂章為
宣州觀察使冬十月辛卯梁王全忠自襄州帥衆二十
萬趨光壽壬辰至棗陽遇大雨遂由申州抵光州刺史
柴再用嚴設守備遜辭以謝全忠留城東旬日不能克
庚子渥至於廣陵辛丑王承制以渥為淮南留後戊申
梁王全忠發光州及至壽州壽人清野以待之全忠退
屯正陽十一月丙辰梁王全忠度淮而北柴再用抄其

後軍斬首三千級獲輜重萬計庚辰王薨

按舊五代史行密傳云天

祐三年卒而沈顏武忠王神道碑殷文圭武忠王墓誌游恭威王墓誌皆云天祐三年丙寅二月十三日丙申

王薨至史官王振撰太祖本紀則繫死日子天祐二年十一月庚辰顏等四人皆仕吳而記錄各異考之墓志

云十一月吳王寤疾付長子後事授淮南使豈本紀誤以武忠疾甚之時遂據為彌留之日邪抑楊渥幼弱嗣

位不由朝命承襲或始死未敢發喪起以明年二月顏等因從而書之事亦未可知也又按十國紀年注徐鉉

吳錄莊宗功臣列傳唐烈祖實錄資治通鑑諸書皆與王振所載年月同而敬翔梁編遺錄云天祐三年顏州

獲河東諜者言去年十一月持李克用絹書往淮南十二月至揚州方知楊行密且死歐陽氏吳世家亦云天

祐二年十一月行密卒今互證諸說始以王氏本紀為斷云

年五十四諡曰武忠武

義初改謚曰孝武王廟號太祖乾貞元年追尊為武皇
帝陵曰興陵太祖馳射武伎皆非所長而寬簡有智略
善撫御將士與同甘苦推心待物無所猜忌常早出從
者斷馬鞅取其金知而不問他日復早出如故人服其
度量蔡儔叛於廬州悉毀太祖祖父墳墓及儔敗左右
請發其先墓以報之太祖歎曰儔以此為惡吾豈復為
也常使從者張洪負劍而侍洪拔劍擊太祖不中洪死
復用所善陳紹貞負劍不疑性又儉約不事奢靡淮南

被兵六年士民轉徙幾盡太祖初至賜與將吏帛不過數尺錢不過數百非公宴未嘗舉樂常服故時補綻衣於內自言不敢忘本輕徭薄賦招撫流移未及數載幾復成平之舊太祖起自盜賊而其下皆驍武雄暴一時樂為之用者以此

論曰唐末強藩分據海內雲擾太祖以三十六英雄起自草間殲孫儒禽趙錕破杜洪滅田頌聲罪汙疆耀兵越徼江淮南北以次削平抑亦可謂非常之傑不世出

者矣五代史言其為人寬仁雅信能得士心卒之開國
廣陵傳世四主蓋有以也夫

十國春秋卷一